

許衡著編

本草綱目萬方類纂

第二冊

許衡著



許衡峯編

本草綱目萬方類纂

第二冊

許衡



本草綱目萬方類纂第二冊目錄

雜證門

一、頭部	計二百四十一方	二七九
二、面部	計一百零三方	三〇九
三、耳部	計一百九十四方	三二一
四、眼部	計三百七十九方	三四三
五、鼻部	計八十五方	三九〇
六、唇口部	計九十五方	四〇〇
七、齒部	計二百七十四方	四一一
八、舌部	計三十八方	四四五
九、咽喉部	計一百七十七方	四五〇
十、鬚髮部	計七十七方	四七二
十一、頸頭部	計一百二十四方	四八三
十二、腋部	計二十六方	五〇〇
十三、脅部	計十六方	五〇四
十四、胸腹部	計三百二十三方	五〇六
十五、腰部	計五十二方	五四八
十六、四肢部	計二百四十一方	五五五

右前陰部	計二百零四方	五八四
六後陰部	計一百九十六方	六〇九
六皮肉筋骨部	計二十七方	六三三
合	計	二千八百七十二方

本草綱目萬方類纂第二冊目錄

雜證門

一、頭部	計二百四十一方	二七九
二、面部	計一百零三方	三〇九
三、耳部	計一百九十四方	三二一
四、眼部	計三百七十九方	三四三
五、鼻部	計八十五方	三九〇
六、唇口部	計九十五方	四〇〇
七、齒部	計二百七十四方	四一一
八、舌部	計三十八方	四四五
九、咽喉部	計一百七十七方	四五〇
十、鬚髮部	計七十七方	四七二
十一、頸頭部	計一百二十四方	四八三
十二、腋部	計二十六方	五〇〇
十三、脅部	計十六方	五〇四
十四、胸腹部	計三百二十三方	五〇六
十五、腰部	計五十二方	五四八
十六、四肢部	計二百四十一方	五五五

右前陰部

計二百零四方

五八四

大後陰部

計一百九十六方

六〇九

丸皮肉筋骨部

計二十七方

六三三

合

計

二千八百七十二方

頭部

一、治頭風熱痛方

頭風熱痛，用井底泥和大黃芒硝末傳之。

二、治白禿臘梨方

白禿臘梨，用燒石灰窖內燒過之紅土壓四兩，百草霜一兩，雄黃一兩，膽礬六錢，榆皮三錢，輕粉一錢，爲末，豬膽汁調，剃頭後搽之，百發百中，神方也。

三、治白禿頭瘡方

白禿頭瘡，用百草霜和豬脂塗之。

四、治頭瘡諸瘡方

頭瘡諸瘡，以醋湯洗淨，百草霜入膩粉少許，生油調塗，立癒。

五、治赤髮禿落方

赤髮禿落，用油磨銅錢末，塗之，即生。

六、治頭上生虱方

頭上生虱，用銅青、明礬末搽之。

七、治頭痛鼻塞方

頭痛鼻塞，用鐵粉二兩，龍腦半分，研勻，每新汲水服一錢。

八、灌頂油法

治腦中熱毒風，除目中翳障，鎮心明目，用生油二斤，故鐵鐮五兩，打碎，消石半兩，寒水石一兩，馬牙消半兩，曾青一兩，綿裏，入油中浸七日，每以一錢頂上摩之，及滴少許入鼻內，甚妙。

九、治痰飲頭痛方

痰飲頭痛，往來寒熱，用雲母粉二兩，鍊過，恆山一兩，爲末，每服方寸匕，湯服取吐，忌生蔥生菜。

十、治頭上生蝨方

頭上生蝨，用水銀和蠟燭油搽之，一夜皆死。

十一、治頭上生蝨方

頭上生蝨，用銀朱浸醋，日日梳頭。

包銀朱紙，以盥覆燒之，茶清洗下烟子，揉之包頭，一夜至旦，蝨盡死。

十二、治偏頭風病方

偏頭風病，用至靈散：卽雄黃、細辛，等分，爲末，每以一字吹鼻，左痛吹右，右痛吹左。

十三、治白禿頭瘡方

白禿頭瘡，用雄黃、豬膽汁，和傅之。

十四、治頭風涕淚方

頭風涕淚，疼痛不已，方同目部第三十一方。

十五、治鼻衄頭痛方

鼻衄頭痛，心煩，用石膏，牡蠣，各一兩，爲末，每新汲水服二錢。并滴鼻內。

十六、治頭核腦痺方

頭核腦痺，頭枕後生痰核，正者爲腦，側者爲痺，用輕虛白浮石燒存性，爲末，入輕粉少許，麻油調掃塗之，勿用手按卽漲，或加焙乾黃牛糞尤好。亦治頭瘡。

十七、治女人頭運方

女人頭運，天地轉動，名曰心眩，非血風也。用膽礬一兩，細研，取胡餅劑子一個，按平一指厚，以篋子勒成骰子大塊，勿界斷，于瓦上焙乾，每服一骰子，爲末，燈心竹茹湯調下。

十八、治頭風腦痛方

頭風腦痛，用玄精石末，入羊膽中，陰乾，水調一字，吹鼻中，立止。

十九、治頭痛欲死方

頭痛欲死，用消石末吹鼻內，即愈。

二十、治偏頭風痛方

偏頭風痛，用礪砂末一分，水潤攪心一分，搗丸，皂子大，綿包，露出一頭，隨左右，內鼻中，立效。

二一、治頭痛頭風方

頭痛頭風，用如神丹：即光明硫黃、消石，各一兩，細研，水丸，芡子大，空心嚼一丸，茶下。

二二、治腎虛頭痛方

腎虛頭痛，聖惠方：用硫黃一兩，胡粉爲末，飯丸，梧子大，痛時冷水服五丸，即止。

本事方：用硫黃末，食鹽，等分，水調生麵，糊丸，梧子大，每薄荷茶下五丸。

普濟方：用生硫黃六錢，烏藥四錢，爲末，蒸餅丸，梧子大，每服三五丸，食後茶清下。

二三、治乾濕頭瘡方

乾濕頭瘡，用白礬半生半煨，酒調塗上。

二四、治白禿頭瘡方

白禿頭瘡，用皂礬、棟樹子，燒研搽之。

二五、治頭忽眩運方

頭忽眩暈，經夕不瘥，四體漸羸，飲食無味，好食黃土，用白朮三斤，麴三斤，搗篩，酒和丸，梧子大，每飲服二十丸，日三服，忌菰菜桃李青魚。

二六、治頭瘡白禿方

頭瘡白禿，用貫衆，白芷，爲末，油調塗之。

又方：貫衆燒末，油調塗。

二七、治腦風頭痛方

腦風頭痛，不可忍，用遠志末啗鼻。

二八、治少陽頭痛方

少陽頭痛，亦治太陽頭痛，不拘偏正，用小清空膏，即片黃芩，酒浸透，曬乾，爲末，每服一錢，茶酒任下。

二九、治眉眶作痛方

眉眶作痛，風熱有痰，用黃芩酒浸，白芷，等分，爲末，每服二錢，茶下。

三十、治偏正頭風方

偏正頭風，用防風，白芷，等分，爲末，煉蜜丸，彈子大，每服一丸，茶清下。

三一、治太陽頭痛方

太陽頭痛，用羌活，防風，紅豆，等分，爲末，啗鼻。

三二、治偏正頭痛方

偏正頭痛，不可忍者，用延胡索七枚，青黛二錢，牙皂二個，去皮子，爲末，水和丸，如杏仁大，每以水化一丸，灌入病人鼻內，隨左右口咬銅錢一個，當有涎出成盆而愈。

三三、治風寒頭痛方

傷風傷寒，頭痛發熱，初覺者，用馬蹄香（即杜衡）爲末，每服一錢，熱酒調下。少頃，飲熱茶一盃催之，出汗即愈，名香汗散。

三四、治失血眩運方

凡傷胎去血，產後去血，崩中去血，金瘡去血，拔牙去血，一切去血過多，心煩眩運，悶絕不省人事，當歸二兩，芎藭一兩，每用五錢，水七分，酒三分，煎七分，熱服，日再。

三五、治頭痛欲裂方

頭痛欲裂，用當歸二兩，酒一升，煮取六合，飲之，日再服。

三六、治氣虛頭痛方

氣虛頭痛，用真川芎藭爲末，臘茶調服二錢，甚捷。曾有婦人產後頭痛，一服即愈。

三七、治氣厥頭痛方

婦人氣盛頭痛，及產後頭痛，用川芎藭，天台烏藥，等分，爲末，每服二錢，蔥茶調下。

御院藥方：加白朮，水煎服。

三八、治風熱頭痛方

風熱頭痛，用川芎藭一錢，茶葉二錢，水一鍾，煎五分，食前熱服。

三九、治頭風化痰方

頭風化痰，用川芎，洗切，曬乾，爲末，煉蜜丸，如小彈子大，不拘時，嚼一丸，茶清下。

四十、治偏頭風痛方

偏頭風痛，用京芎，細剉，浸酒，日飲之。

四一、治風熱上衝方

風熱上衝，頭目運眩，或胸中不利，用川芎，槐子，各一兩，爲末，每服三錢，用茶清調下，胸中不利

，以水煎服。

四二、治首風旋運方

首風旋運，及偏正頭疼，多汗惡風，胸膈痰飲，用川芎莖二斤，天麻四兩，爲末，煉蜜丸，如彈子大，每嚼一丸，茶清下。

四三、乾洗頭屑方

乾洗頭屑，用藥本，白芷，等分，爲末，夜搽旦梳，垢自去也。

四四、治頭面諸風方

頭面諸風，用香白芷，切，以蘿蔔汁浸透，日乾，爲末，每服二錢，白湯下。或以嚏鼻。

四五、治偏正頭風方

偏正頭風，百藥不治，一服便可，天下第一方也。用香白芷炒，二兩五錢，川芎炒，甘草炒，川烏頭半生半熟，各一兩，爲末，每服一錢，細茶薄荷湯調下。

四六、治頭風眩運方

香白芷一味，洗曬爲末，煉蜜丸，彈子大，每嚼一丸，以茶清或荊芥湯化下，此藥治頭風眩運，女人胎前產後傷風頭痛，血風頭痛，皆效。

四七、治眉稜骨痛方

眉稜骨痛，屬風熱與痰，用白芷。片芩酒炒，等分，爲末，每服二錢，茶清調下。

四八、梳頭去屑方

梳頭去屑，用三奈，甘松香，零陵香，一錢，樟腦二分，滑石半兩，爲末，夜搽，旦篋去。

四九、治頭痛嚏鼻方

頭痛嚏鼻，用高良薑生研頻嚏。

五〇、治偏頭風痛方

偏頭風痛，用葦茺，爲末，令患者口含溫水，隨左右痛，以左右鼻吸一字，有效。

五一、一品丸

治氣熱上攻，頭目昏眩，及治偏正頭痛，用大香附子，去皮，水煮一時，搗曬焙研爲末，煉蜜丸，彈子大，每服一丸，水一盞，煎八分服，女人醋湯煎之。

五二、治偏正頭風方

偏正頭風，用香附子炒，一斤，烏頭炒，一兩，甘草二兩，爲末，煉蜜丸，彈子大，每服一丸，葱茶嚼下。

五三、治氣鬱頭痛方

氣鬱頭痛，澹寮方，用香附子炒，四兩，川芎薊二兩，爲末，每服二錢，臘茶清調下，常服除根明目。華陀中藏經，加甘草一兩，石膏二錢半。

五四、治頭風睛痛方

頭風睛痛，方與婦人胎前部第四十一方同。

五五、治頭風旋運方

頭風旋運，痰逆惡心懶食，用真零陵香，藿香葉，莎草根炒，等分，爲末，每服二錢，茶下，日三服。

五六、治頭風白屑方

頭風白屑，用零陵香，白芷，等分，水煎汁，入雞子白，攪勻，傅數十次，終身不生。

五七、治頭項風強方

頭項風強，八月後，取荊芥穗作枕及鋪床下，立春日去之。

五八、治風熱頭痛方

風熱頭痛，用荊芥穗，石膏，等分，爲末，每服二錢，茶調下。

五九、治頭目諸疾方

一切眼疾血勞，風氣頭痛，頭旋目眩，用荊芥穗爲末，每酒服三錢。

六〇、治風熱頭痛方

熱結上焦，致生風氣痰厥頭痛，用水蘇葉五兩，皂莢炙去皮子三兩，芫花醋炒焦一兩，爲末，煉蜜丸，梧子大，每服二十丸，食後荊芥湯下。

六一、治頭生白屑方

頭生白屑，方與鬚髮部第十一方同。

六二、治風熱頭痛方

風熱頭痛，用菊花，石膏，川芎，各三錢，爲末，每服一錢半，茶調下。

六三、治頭風久痛方

頭風久痛，用蘄艾揉爲丸，時時嗅之，以黃水出爲度。

六四、治頭風面瘡方

頭風面瘡，癢出黃水，用艾二兩，醋一升，砂鍋煎取汁，每薄紙上貼之，一日三上。

六五、治白禿頭瘡方

白禿頭瘡，五月收漏盧草燒灰，豬膏和塗之。

六六、治痰厥頭痛方

痰厥頭痛，用牛蒡子炒，旋覆花，等分，爲末，臘茶清服一錢，日二服。

六七、治頭痛連睛方

頭痛連睛，用鼠黏子，石膏，等分，爲末，茶清調服。

六八、治頭面忽腫方

頭面忽腫，熱毒風氣內攻，或連手足赤腫，觸着痛者，用牛蒡子根，一名蝙蝠刺，洗淨研爛，酒煎成膏，絹攤貼腫處，仍以熱酒服一二匙，腫消痛減。

六九、治頭風掣痛方

頭風掣痛，不可禁者，磨膏主之，取牛蒡子莖葉，搗取濃汁二升，無灰酒一升，鹽花一匙，頭糠火煎稠成膏，以摩痛處，風毒自散，摩時須極力令熱乃效，冬月用根。

七〇、治頭風白屑方

頭風白屑，用牛蒡子葉搗汁，熬稠塗之，至明日，皂筴水洗去。

七一、治諸風頭運方

諸風頭運，用蒼耳葉曬乾，爲末，每服一錢，酒調下，日三服，若吐，則以蜜丸梧子大，每服二十九，十日全好矣。

七二、治血風腦運方

宜州學昌從諫，服此十餘年，至七八十，紅潤輕健，皆此藥力也，斗門方云，婦人血風攻腦，頭旋悶絕，忽死倒地，不知人事者，用喝起草，嫩心，陰乾，爲末，以酒服一大錢，其功甚效，此物善通頂門連腦，蓋卽蒼耳也。

七三、治風熱頭痛方

風熱頭痛，用芭蕉根搗爛塗之。

七四、治頭風熱痛方

頭風熱痛，用決明子炒研，茶調傅兩太陽穴，乾則易之，一夜卽愈。

七五、治雷頭風腫方

雷頭風腫，不省人事，用落帚子同生薑研爛，熱沖酒服，取汗即愈。

七六、治頭風白屑方

頭風白屑，用王不留行，香白芷，等分，爲末，乾摻，一夜篋去。

七七、治頭風疼痛方

頭風疼痛，用葶藶子爲末，以酒淋汁沐頭，三四度即愈。

七八、治白禿頭瘡方

白禿頭瘡，用葶藶末塗之。

七九、治偏正頭痛方

偏正頭痛，用鱧腸草汁滴鼻中。

八〇、治頭風作痛方

頭風作痛，用蒴藿根二升，酒二升，煮服，汗出止。

八一、治頭風旋運方

頭風旋運，起倒無定，用蒴藿，獨活，白石膏，各一兩，枳實炒七錢半，每服三錢，酒一盞，煎六分服。

八二、治白頭禿瘡方

白頭禿瘡，糞藍煎汁頻洗。

八三、治腦痛眉痛方

腦痛眉痛，用穀精草二錢，地龍三錢，乳香一錢，爲末，每用半錢，燒煙筒中，隨左右熏鼻。

八四、治偏正頭痛方

偏正頭痛，集驗方，用穀精草一兩，爲末，以白麴糊調，攤紙花上，貼痛處，乾換。

聖濟方，用穀精草末，銅綠各一錢，消石半分，隨左右啗鼻。

八五、治濕熱眩運方

濕熱眩運，不可當者，用酒炒大黃爲末，茶清服二錢，急則治其標也。

八六、治風氣頭痛方

風氣頭痛，不可忍者，用乳香，茛麻仁，等分，搗餅，隨左右貼太陽穴，解髮出氣，甚驗。

德生堂方，用茛麻油紙翦花。貼太陽，亦效。

又方，茛麻仁半兩，棗肉十五枚，搗塗紙上，捲筒插入鼻中，下清涕即止。

八七、治八種頭風方

八種頭風，用茛麻子，剛子，各四十九粒，去殼，雀腦芎一大塊，搗如泥，糊丸，彈子大，線穿掛風處，陰乾，用時先將好末茶調成膏子塗蓋內，後將灰火燒前藥烟起，以蓋覆之，待烟盡，以百沸葱湯點蓋內，茶藥服之，後以綿被裹頭臥，汗出避風。

八八、治諸風頭痛方

諸風頭痛，用和州藜蘆一莖，日乾，研末，入麝香少許吹鼻。

又方，通頂散，藜蘆半兩，黃連三分，噓鼻。

八九、治頭生蟣虱方

頭生蟣虱，用藜蘆末搽之。

九〇、治頭風白屑方

頭風白屑，癢甚，用藜蘆末，沐頭，搽之，緊包二日夜，避風效。

九一、治頭風頭痛方

頭風頭痛，外台秘要，用臘月烏頭一升，炒令黃，末之，以絹袋盛，浸三斗酒中，逐日溫服。
孫兆口訣，用附子炮，石膏煨，等分，爲末，入腦麝少許，每服半錢，茶酒任下。